

«قېتە توغىلگن پرى كويلەيدى» فروغ فرخزاد نىنگ حياتى و شعرى ترجمەلەردىن عبارت بۇلگن بو تۇپلم تانىتمەسى:

ترجمەچىلىك كۆپ اېرە لردن بېرى بېلىم و هنرنى خلق ارا يايىپ كېلگن. بىز ترجمە يۇلى آرقەلى اېنگ يىنگى علمى كىشەيات و يىنگى ادبى يۇنەلېشلىر و يىنگى- يىنگى ائىرلردن خېر تاپىپ كېلماقەدە مېز. اوزاق اۆتمېش ز مانلردە ترجمە اونچەلىك رواجلنمەگن اېدى؛ فرهنگى و ادبى آلىش - بېرىشلىر اۆرتە گە كېلمەگن اېدى؛ چاپ صنعتى و كىتابلىر كېنگ كۆلم دە باسلىيىپ، ارزان بها دە ھمە نىنگ قۇلىگە يېتىپ بارالمىسى و بېر- بېرىدن تائىرلنىش چېگرەسى جودە از و تار دايرەسىدە اېدى. بىز نىنگ شاعرلرېمىز فقط فارس و عرب و اۆزبېك ادبىياتى نمونەلرى بېلن تانىش اېدىلر و بولر نىنگ برچەسى ھم عروض وزنلى و معین فورملرگە اساسلنگن اېدى.

اېندى اېسە دنيا جودە كىچىك و يقين بۇلگن. حاضر فرهنگى آلىش-بېرىشلىر و تائىرلنىشلىر دايرەسى جودە كېنگ و تېزلىكە يوز بېرەدى. ترجمە تېلى جودە رواجلنگن و نە فقط چاپ صنعتى كېنگەيىپ، آسان و ارزان بۇلگن، بلكە انترنەت و تورلى اجتماعى ترماقلىر و مېدىالار فاصلەلەرنى زمان و مەكان و تېل جەھتلردىن اۆرتە دن كۆترگن.

اېندى دنيا نىنگ اېنگ شەرقى تەمانىدەگى بېر يورت و اېلى دنيا نىنگ اېنگ غەربى تەمانىدە جايلىشگن يورت و اېلى نىنگ ھر بېر كەتە- كىچىك واقەسىدىن عین زماندە خېردار بۇلىپ تورگن. بو خېر بېر سىياسى واقەسى يا كە اقتصادى يا كە فرهنگى و ادبى، برى بېر.

انە شو ياوقىلىك نەتىجەسىدە بىز نىمايى فورم و وزننى، اق شعر نىمە و قنداق ليگىنى، قىسقە شعر و جاپانەدە كېنگ ترقلگن و بوتون دنياگە بېرەگن ھاىكولر نىنگ اھمىتى و خصوصىيەتلىرىنى توشونىپ اۆلىك. ادبى جريانەدە بعضى بېر شاعرلر جودە چوقور و كېسكىن ايز قالدېرە دېلر و ادبى اقيم يۇلىنى اۆزگەرتىرە دېلر. انە شو شاعرلردن بېرى، ايرانىلىك چاغداش شاعر فروغ فرخزاد دېر.

فروغ فرخزاد بىز نىنگ اېلىمىزگە تانىش بېر سىما. چونكە بىز مەكتەپ دە فارسچە اوقۇپ، بو تېلىنى اۆرگەنگەمىز، اما قوشنى اۆزبېكىستان، توركمەنستان، ھمدە قزاقستان، قىرغىزستان و آذربايجانلردە اونى اونچەلىك تانىمەيدېلر و شعرلرىنى ترجمەسىز توشونالمەيدېلر.

فروغ فرخزاد عىلالىك شعرىنى بىزگە تانىتگن بېرىنچى جىسار تلى عيال شاعر دېر. فروغ دن آلدېن ھم، كېيىن ھم انچە عيال شاعر يىشپ ايجاد اېتدى، اما اولر جمعيت قرەشى و قضاوتىدن چۆچىپ، اېرككلر قابوغىگە گىرىپ، اۆز عىلالىك حس-تويغولرىنى اچىق- ايدىن ايتالمەي كېلگن اېدىلر. فروغ فرخزاد قورقمەدى، چۆچىمەدى و عيال شعرىنى عيال تېلى و عيال تويغو-خياللرى بېلن بيان اېتدى.

شەرق دە، اېنىقسە تورك دنياسىگە باغلىق اۆزبېك عىلالىك شعرى ھم عین انە شو عىلالىك سېزگى- ھىجانلردىن اوزاق قالگنى اوجون فروغ فرخزاد نىنگ شعرلرىنى تورك دنياسى ادبىياتىگە ھم تانىتىش كېرەك اېدى. شو مقصدنى عملگە ائىشېرىش اېتە فقط ترجمە يۇلى بېلن مەكەن بۇلردى و بونى بېر عيال شاعر قىلىشى ضرور اېدى، نېگە كە عيال شاعر نىنگ تويغو-حسلىرىنى اېركك دن كۆرە بېر عيال شاعر چوقورراق انگلەپ يېتىشى مەكەن.

انە شو ضرورتى كۆزگە تونگن حالەدە فروغ فرخزاد نىنگ حياتى و ايجادى حقيدە بېر تحقيق قىلىپ، شعرى تۇپلم لردىن تىلەپ، ترجمە اېتىشنى اۆز يېلكەم گە يوكلەدېم. چەمەسى اوچ يېللىك مەخت بېلن قولگە كېلگن بو ترجمەلرېمنى «قېتە توغىلگن پرى كويلەيدى» عنوانى آستىدە بېر تۇپلم قىلىپ، ترقىتدېم. بېرىنچى گل فروغ فرخزاد حقيدە يازگن بېر مقالەم و شعرلردىن قىلگن ۶-۷ تە شعرى ترجمەلرېم اۆزبېكىستاندە ايران اېلچى خانەسى تەمانىدن ھر اوچ ايدە نەشر بۇلەدىگان «سىنا» مجلە يا ژورناليدە كرىلچە يا سىرىلىك خىتيدە نەشر اېتدىلدى، اما كېيىنراق مقالەنى كېنگەيتىرىپ، ترجمەلر سەنئىنى كۆپەيتىرىپ، بېر تۇپلم شەكلیدە تيارلەدېم. بو تۇپلم، عرب يازوويده افغان مەسلىكى باسما خانە دە بېر مېنگ نەسخە دە «افغانستان قلم انجمنى» تەمانىدن ۱۳۸۶ ش. ۲۰۰۷ م. يىلى باسلىپ چىقتى.

اېندى انە شو اثر حقيدە بېر نېچە آغىز سۆزلەپ بېرەمەن. بو تۇپلم ۱۲ بېت مەقدەمە و ۸۰ بېت شعرى ترجمە دن عبارت دېر. مەقدەمە دە فروغ فرخزاد نىنگ آغىر و قىسقە حياتى، ھمدە شعر، فېلم و ھنر ساحەلریدە قىلگن فعالىتلىرى و آلگن جايزەلرى، شونىنگدېك عىلالىك شعرى ساحەسىدە قىلگن خەدمەتى و تونگن اولوشى حقيدە سۆز يورىتىلگن. مەقدەمە نى يازىش دە اونىنگ شعرلردىن و تورلى مقالەلردن فايده لنىلگن.

مەتن دە اېسە، فروغ فرخزاد نىنگ باسلىپ چىققن بېشە تۇپلمىدن اېنگ گۆزەل، مضمون و شەكل جەھتىدن اۆرنەك بۇلەدىگان شعرلرى تىلەنىپ، اۆز وزننى و فورمىدە ترجمە اېتىلگن. شعرلر قوبىدەگىچە:

«اسىر» يا توتقون تۇپلمىدن ۷ پرچە شعر

«دىوار» تۇپلمىدن ۴ پرچە شعر

«عصيان» يا توغيان تۇپلمىدن ۲ پرچە شعر

«تولدى دېگر» يا قېتە توغىلىش تۇپلمىدن ۱۳ پرچە شعر

«ایمان بیاوریم به آغاز فصل سرد» یا ساووق فصل باشلەنیشیگە ایمان کەلتیرەیلیک تۆپلەمىدن ۴ پرچە شعر
کۆریب تورگەنینگیز دېک، اینگ کۆپ ترجمه، «قیتە توغیلیش» تۆپلەمىدن قیلینگن. اوندن کپین بیرینجی
تۆپلەمى «اسیر» یا توتقون دن دیر. بونینگ البتە دلایلی بار. اسیر تۆپلەمى شاعرنینگ شکللەنیش و اینگ
توغيان قیلگن حسیاتی و شاعرلیک جوشقینلیگینی عکس ایتگن تۆپلەم دیر. کپینگى ایکیکی تۆپلەم انه شو
تۆپلەم نینگ دوامى سنەلەدی.

اما «قیتە توغیلیش» یا تولدی دیگر تۆپلەمى بیر اوزگريش و بوریلیش نقطەسى ابدى، بو عصیانچی
شاعرگە! بو تۆپلەم دە شاعر ینگى فرەش بیلن، ینگى فورم بیلن، ینگى تیل و اسلوب بیلن اوزینی و
هنرینی نمایان ایتدی. بو عنوان یا اتنى تصادفی یا توستدن اېمىس، اویلب تنلەدی. نېگە کە شاعر بو تۆپلەم
بیلن قیتە توغیلدی و شو تۆپلەم بیلن بیر اجتماعی و ریالستیک شاعر بۆلیب، فقط اوز درد- قیغولرینی
گینه اېمىس، بلکه بوتون انسان و انسانلیک درد- قیغولرى، جمعیتدەگى قیینچیلیک، یتیمشماوچیلیک،
عدالتسیرلیک، قالاقلیک کبی تورلى مسالەلرگە يانداشتی.

سۇنکی تۆپلەمى «ساووق فصل باشلەنیشیگە ایمان کەلتیرەیلیک» اونینگ فاجعەلى اولیمی (موتیر
تصادفی) دن کپین باسیلیب چیقدی. بو تۆپلەمیدە شعرلری سانى ازلیگی اوچون تورتتە اینگ چوقورمعنالى
و جودە کرکترلى شعرینی تئلب، ترجمه قیلدیم.

ترجمه ده اماندارلیککە جودە اعتبار بېریلگن. تورتلیک «چهار پاره» شکلیده یازیلگن شعرلرینی عین
شو فورم و حتا عین وزندە، نیمایی فورم و وزنیده یازیلگنلرینی عین اوز فورمى و وزنیده و اوزیگە
خاص اهنکلى اق شعرلرینی هم عین اوز اهنکینی سقلەگن حالده ترجمه ایتدیم.

بو ایش البتە آسان اېمىس ابدى. مېن چمەسى اوچ ییل بو ترجمەلر اوستیگە ایش آلیب باردیم. هر ایکیکی-
اوچ ایدن کپین ینه مراجعت قیلیب، بیر منتقددېک ترجمەلرنی اصلی بیلن سالیشتیریب چیقدیم و هر بیر
سۆزینی قیتە-قیتە اویلب- اۆلچب، فروغ فرخزاد مقصد قیلگن اوشە مفهومى تولیق ادا قیلەدیگن
سۆزگە اوزگرتیردیم. کمیده اؤن- اؤن ایکیکی مرتە بو ترجمەلر قیتە کۆریلگن و اوزبېکستاندەگى ادیبیلر
و مترجملر، اینیقسە مولانا، عطار، خیام کبیلردن گۆزەل ترجمەلر قیلگنی بیلن مشهور بۆلگن شاعر،
مترجم و تحقیقاتچی ایرگش اچیلوف بیلن مصلحتلر و هر سۆز حقیدە بحثلر قیلیب، آخری کۆنگلیم
تولگنیدن کپین چاپ قیلیشگە قرار قیلدیم.

اېندى سیز عزیزلرگە انه شو ترجمه لردن بیر نېچیتە سینی تقدیم اېتەمەن و سیزلرگە هم یاقەدى دېب، امید
قیلەمەن.

تۆلقون


کۆزومده سېن تۆلقونسن، تۆلقون
باش کۆتەریب، قیلەسن توغيان
مینگ-مینگ شیرین آرزو شمالي
تارتر سېنى هر دم، هرتامان

سېن تۆلقونسن، سېن بیر تۆلقونسن
اویینگ اېسە، حسرت دریاسی
نگاهینگى تارتر اوزیگە
اېرتە تانگ نینگ رنگی، جلاسی

اوزینگ بیلن دایم کورەشیب،
تاپالمەيسن قرار هېچ قچان
سېن اوزینگدن قاچیب یورەسن
كۆك بولوتسن، چاپقیر، پریشان

نی بۇلردى خدايا، اگر


بۇلىسم ابدى بىر آلىس قىر غاق؟
سېنى قوچىب آلىب، بىر كېچە،
قاچىسم ابدى، اوزاققە، اوزاق



ساوغە

مېن، تون نھايە سىدن سۆزلەيمەن
مېن، قارانغولىك نھايەسىدن
و تون نھايەسىدن سۆزلەيمەن

اگر اويىمگە كېلىسنگ
مېنگە، اى مھربان، چراغ كېلتىر
و بىر درىچە كە، اوندن
بختلى گاوجوم كۈچە گە باقسام



يشىل وھم

تون بۇيى آيينە دە يىغلردىم
دېرزەم نى كۆكلم
درختلر نىنگ يشىل اوھامىگە تاپشیرگن ابدى
وجودىم يالغىزلىگىم پىللە سىگە سىغمس ابدى
و قاغاز تاجىم ايسى
بولغەگن اېردى قوياشسىز اۋشە يورت آسمانىنى

قىلە آلمسدىم
قىلە آلمسدىم
كۈچەلر نىنگ تاووشى
قوشچەلر نىنگ تاووشى
و تۈپلر نىنگ يۇقالىشى تاووشى
بالەلر نىنگ قاچاغان ھای و ھويى
صابون نىنگ كوپىگى دېك
ايپ اوچىدن آسمانگە
چىقە ياتگن پوفكلر نىنگ اۋىنەشى
و شمال، و شمال كىم گۇيا
ھماغوشلىك قارانغو لحظەلرى نىنگ توبىدە

نفس الماقده ابدى
جيم ايشانچيم قلعه سين دېوارىنى
قيسيب تورگن اېردى
و اېسكى تېشيكلردن قلبىمنى
آت توتىب چارلردى

نگاهيم كون بويى تېرميلگن ابدى
حياتيم كوزلر يگه
اوشه قورقاق اضطرابلى كوزلر گه-
كه ثابت نگاهيم دن قاچر ابدى
و يالغانچيلر كى
قباقلر نينگ بېخطر عزلت يگه
پناه كېلتيرگن ابدى

قيسى چۇققى، قيسى اوج؟
بو ايلنمه يوللر نينگ برچەسى
اول ساووق سورگوچى اغيز ده
اداغ و تۇقنەشوو نقطه سيگه يېتمس مو؟

اى ساده، الداوچى سوزلر
و اى ايستكلر و اعضالر پرهيزى
مېنگه نيمه بېردينگيز؟
باشيمده سەسيگن بو قاغاز تاج و الدهشلىر دن
ساجيمگه گل تاققەنيم مفتونكار راق اېمس ميدى؟

قندهى قىليب بيابان روحى تسخير اېتدى مېنى؟
و اى نينگ سحرى قندهى
سوروك ايمانيدن ايردى مېنى؟
قندهى قىليب قلبيم يرمى اولغەيدى؟
و ھېچ يريم بو يريمى بىر بوتون ايلەمەدى
قندهى تورديم و كورديم
كه آياغيم استيده
يېر، اوز تەينچى دن اوز يليب توشر
و جفتيم تنه سينينگ حرارتى
تنه نينگ انتظارىنى سېزمەيدى

قيسى چۇققى، قيسى اوج؟
مېنگه پناه بېرىنگلر

اي پریشان چراغلر!
سېرقوياش تاملرينگيز اوزره
معطر توتونلر قوينيده
يوويلگن كييملر هيلپيرهب تورگن
اي شكاك ياروغ اويلر!


مېنگه پناه بېرينگلر
اي ساده و كامل عياللر كه تېرى استيدن
جنين قيميرلشيني لذت بيلن
نازك برماقلرينگيز سېزيب تورر
و يقهنگيز چاكيده دايم هوا
تازه سوتگه قوشيلر

قيسى چوققى، قيسى اوج؟
مېنگه پناه بېرينگلر
اي اوت دن توليق اوچاقلر
- اي خوشبختليك تقهسى-
و اي آشخانه نينگ قاره مس اېديشلىرى قوشىغى
و اي تيكوو ماشيني نينگ زېرىكلى كويلهشى
و اي سوپورگى بيلن قالينلر نينگ
كېچە- كوندوزگى بحث و جنجاللرى
مېنگه پناه بېرينگلر
اي حريص عشقلر كه بقا نينگ دردى خواهشلىرى
تصرف توشهگىنى
جادو سووى و تازه قانگه بولغر

تون بۇيى
تون بۇيى بېر جسدېك
اېنگ دهشتلى قايملر
و اېنگ چوقور دېنگيز نينگ تېشىكلرى
و گۆشتخوار بليقلر تامانگه آقېب بارر اېديم
و بېليم نينگ نازك اومور تقهلىرى
اوليم سېزگى سيدن ققشب قالدېلر

قيله آلمسديم
قيله آلمسديم
اياغيم نينگ تاووشى
يولنى انكار قيلردى

و مېنىڭ مائوس لىگىم
روحىم نىڭ چىدەمى دىن كېنگىراق ابدى
و اول بهار
و دېرەزە دە بۇيلەياتگن اول يىشىل اوھام
دلىمگە ايتردى:
“قرەگىن،
سېن ھېچ قچان آلغە كېتمەدىڭ
قرەگىن،
سېن چۆكىپ كېتدىڭ”



قېتە توغىلىش

بارلىغىم نىڭ برچەسى،
بىر قرانغو آيە دىر،
كە سېنى اوزىدە تکرار اېلب،
ابدى اۋسىش و گللىش تانگىگە اېلب بارر
مېن بو آيتدە سېنى،
آه چېكىتيم، آه
مېن بو آيتدە،
اۋت بىلن سوو و درختگە سېنى پيوند اېتدیم.
بو تىرىكلىك شاید،
بىر اوزون خيابان دىر،
كە هر كۈنى بىر عيال
بىر سبد بىرلە اۋتر اوندن
بو تىرىكلىك شاید،
بىر ارقان دىر كە كىشى،
شاخە دىن اۋزىنى آسگەى
بو تىرىكلىك شاید،
بىر بالە دىر كە قېتر مدرسه دىن
يا بىرار يۈلچى نىڭ حىران اۋتىشى،
كە دوپى سىنى اېلب باشىدن باشقە يۈلچىگە،
معنى سىز بىر جىلمەيىب
«خىرلى تانگ» دېدى

بو تىرىكلىك شاید،
تۈسىلگن بىر لحظه دىر،

كە نڭاھىم،
كۆزلرىنگ مردمىدە اۆزىنى وىران ایلر
و بونده بىر حس بار
كە اونى آى بىله ظلمت بىلىمىگە قۇشگوم

تنهالىك اۆلچاويچه بىر اوىده،
يورەگىم، كە عشق اۆلچاويچه دىر،
بختى نىنگ سادە بهانهلرىگە،
گلداندهگى چېچكلر نىنگ چىرايلى زوالىگە،
سېن باغچهميز ده اپككن نهالگە،
و درچه اۆلچاويچه كويلهياتگن
قنارى آوازيگە،
قرەيدى.

آه ...
مېنىنگ حصەم شو دىر
مېنىنگ حصەم شو دىر
مېنىنگ حصەم،
بىر آسمان دىر كە اونى،
بىر آسىلگن پرده مېندن آلهدى
مېنىنگ حصەم،
اپسكى نروان دن قوئى توشماق دىر
و چىرىماق و غربتده، بىر نرسەگە اپرىشش دىر

مېنىنگ حصەم،
بىر محزون ايلەنىش دىر،
خاطرەلر باغىدە
و جان بېرماق دىر،
بىر تاووش نىنگ غمىگە،
كە مېنگە ايتىر:
«قۇللرىنگنى سېوەمن»

قۇللرىمنى اپكەمن باغچه ده
كۆكەرىب ىشنەيمىن،
بىلەمن، بىلەمن، بىلەمن

و جوهرلى برماقلىرىم ايچىدە،
قلىدر غاچلر تخمىنى قۇيگوسىدىر

تاقەمەن ايککى قولايغىمگە زىرەك،
ايککى قىزىل اپگىزەك گىلاس دن
و تىرناغىم يوزىگە،
گل پىراقلىرىنى ياپىشتىرەمەن

بىر كۆچە بار كە اوندى،
مېنگە عاشق بالەلەر،
حالى ھەم اۋشە پرىشان ساچلەر،
و قىلتىراق آياقلەر
و اينگىچكە بۇيىنلار بىلە، موجود
و اولەر،
بىر كېچە باد آلىب كېتكەن قىزەلاق نىنگ
اۋشە معصوم كوليشىنى اېسلەگەىلەر

بىر كۆچە بار، كە قلىبىم،
بالەلىك دەھسىدن،
اونى اۋغىرلەب آلگەن.

حجم سفرى، زمان نىنگ خطىدە
و زمان نىنگ بو قوروق خطىنى،
حجم ايله حاملە قىلماق
بىر حجم آگاه بىر تصوير دن،
كە كۆزگو ضىياقتى دن قىتەدى

و شوندى دىر،
كە بىراو اۋلگەى،
و بىراو قالگەى.

چوقورلىككە آقەدىگەن حقىرانە ارىغ دن
ھېچ بىر اوچى مروارىدىنى اولەمس

مېن،
دېنگىزدە مسكن توتگەن،
و كۈنگلىنى ياغاچ ئى گە سېكىن چالگەن
بىر غمگىن پرى گىنە نى تانىمەن

بیر غمگین پری گینه نی که، تونده
بیر بۆسه دن اولهدی
و سحر بیر بۆسه دن،
دنیا گه کپلگوسی دیر



پرندە اولگوچی دیر

یورمگیم سیقیلگن
یورمگیم سیقیلگن

ایوان گه چیقهمن و برماغیمنی
تون نینگ تارتیلگن تپریسی گه تپکیزهمن

رابطه چراغلی قارانغو دیر
رابطه چراغلی قارانغو دیر

بیرار کیشی قویاشگه تانیتمس مېنی
بیرار کیشی چومچوqlر ضیافتیگه آلیب بارمس مېنی

اوچیش نی اېسلب قال
پرندە اولگوچی دیر

اېسلتمه: برچه ترجمه لر «قېتە توغیلگن پری کویلهیدی» تۋپلمیدن آلیندی.